

描写三月的古诗

1.
三月江南梅子青，春游已过画船横。酒怀索寞人初倦，已喜金杯弄水声。
——郑獬《三月》
2.
管籥周移寰极里，乘舆望幸斗城闉。草根未结青丝缕，萝茑犹垂绿帟巾。
。鹊入巢中言改岁，燕衔书上道宜新。愿得长绳系取日，光临天子万年春。
——阎朝隐《奉和立春游苑迎春应制》
3.
灞浐长安恒近日，殷正腊月早迎新。池鱼戏叶仍含冻，宫女裁花已作春。
。向苑云疑承翠幄，入林风若起青蘋。年年斗柄东无限，愿挹琼觞寿北辰。
——韦元旦《奉和立春游苑迎春应制》
4.
明日城东看杏花，叮咛童子蚤将车。路从丹凤楼前过，酒向金鱼馆里赊。
。绿水满沟生杜若，暖云将雨湿泥沙。绝胜羊傅襄阳道，车骑西风拥鼓笳。
——殷尧藩《春游》
5.
雨余芳草香，风起游丝动。幽禽四五声，说破春眠梦。
——朽庵林公《春日》
6.
暖雨晴风初破冻，柳眼梅腮，已觉春心动。酒意诗情谁与共？泪融残粉花钿重。
乍试夹衫金缕缝，山枕斜欹，枕损钗头凤。独抱浓愁无好梦，夜阑犹剪灯花弄。
——李清照《蝶恋花》

7.
东风万物新，独未到幽人。赋命自多蹇，阳和非不均。五陵三月暮，百越一家贫。早误闲眠处，无愁异此身。——许棠《春日言怀》
8.
阴阴溪曲绿交加，小雨翻萍上浅沙。鹅鸭不知春去尽，争随流水趁桃花。——晁冲之《春日》
9.
国破山河在，城春草木深。感时花溅泪，恨别鸟惊心。烽火连三月，家书抵万金。白头搔更短，浑欲不胜簪。——杜甫《春望》
10.
造物无言却有情，每于寒尽觉春生。千红万紫安排著，只待新雷第一声。——张维屏《新雷》
11.
黄四娘家花满蹊，千朵万朵压枝低。留连戏蝶时时舞，自在娇莺恰恰啼。——白居易《江畔独步寻花》
12.
云淡风轻近午天，傍花随柳过前川。时人不识余心乐，将谓偷闲学少年。——程颢《春日偶成》
13.
折花逢驿使，寄与陇头人。江南无所有，聊赠一枝春。——陆凯《赠范晔》
14.
暮春三月日重三，春水桃花满禊潭。广乐逶迤天上下，仙舟摇衍镜中酣。——张说《三月三日定昆池奉和萧令得潭字韵》
15.
昨夜风开露井桃，未央前殿月轮高。平阳歌舞新承宠，帘外春寒赐锦袍

。——王昌龄《春宫曲》

16.

京口瓜洲一水间，钟山只隔数重山。春风又到江南岸，明月何时照我还？——王安石《泊船瓜洲》

17.

屋上春鸠鸣，村边杏花白。持斧伐远扬，荷锄觐泉脉。归燕识故巢，旧人看新历。临觞忽不御，惆怅远行客。——王维《春中田园作》

18.

昨日春游，一行恰似乘鸾凤。知音共。适怀心纵。直入桃源洞。好向清溪，闲听琴三弄。真欢动。任地迎送。管甚庄周梦。——尹志平《点绛唇·暮春游五华山继先师韵》

19.

墙里秋千墙外道。墙外行人，墙里佳人笑。——苏轼《蝶恋花·春景》

20.

欲寻轩槛列清尊，江上烟云向晚昏。须倩东风吹散雨，明朝却待入华园。——张旭《春游值雨》

21.

闺中少妇不知愁，春日凝妆上翠楼。忽见陌头杨柳色，悔教夫婿觅封侯。——王昌龄《闺怨》

22.

天街小雨润如酥，草色遥看近却无。最是一年春好处，绝胜烟柳满皇都。——韩愈《初春小雨》

23.

竹外桃花三两枝，春江水暖鸭先知。蒌蒿满地芦芽短，正是河豚欲上时。——苏轼《惠崇春江晚景》

24.

紫陌红尘拂面来，无人不道看花回。玄都观里桃千树，尽是刘郎去后栽。
。——刘禹锡《游玄都观》

25.

一春十病九困酒，三月都无两日晴。明旦乘驴芳草渡，绿杨深处听啼莺。
。——葛长庚《春游》

26.

楚色穷千里，行人何苦赊。芳林逢旅鴈，候馆噪山鸦。春入河边草，花
开水上槎。东风一樽酒，新岁独思家。——欧阳修《早春南征寄洛中诸
友》

27.

宿雨乘轻屐，春寒著弊袍。开畦分白水，间柳发红桃。草际成棋局，林
端举桔槔。还持鹿皮几，日暮隐蓬蒿。——王维《春园即事》

28.

春风如贵客，一到便繁华。来扫千山雪，归留万国花。——袁枚《春风
》

29.

莺初解语，最是一年春好处。微雨如酥，草色遥看近却无。——苏轼《
减字木兰花》

30.

双飞燕子几时回？夹岸桃花蘸水开。春雨断桥人不度，小舟撑出柳阴来
。——徐俯《春游湖》

本文链接：<https://duanjuziku.com/duanjuzi/8lijo8xsqf.html>